

یونسکودان اصالت مؤهرون آلماغا شرقی آذربایجانین ال ایشلریندن 25 اثر موعریفلیق اولدو

شرقی آذربایجانین توریست، ال ایشلری و فرهنگی میراث سازمانینین ریسی دئی: اوستانین ال ایشلریندن 25 اثر 10 هونری ریشتهده یونسکونون اصالت مؤهرونو آلماغا، ال ایشلری میلی نیشان موسابقیهسینه یوللاندي.



شرقی آذربایجانین توریست، ال ایشلری و فرهنگی میراث سازمانینین ریسی دئی: اوستانین ال ایشلریندن 25 اثر 10 هونری ریشتهده یونسکونون اصالت مؤهرونو آلماغا، ال ایشلری میلی نیشان موسابقیهسینه یوللاندي.

فارس خیر گوزاریسینین تبریزدن وئردیگی گوزاریشه گوره، تراب محمدی خبرنیگارلارینان دانیشیقدا دئی: بو اثرلر اوستان هونرمندلرینین طرفیندن وئرلن ساییقه و ایطیلاعات اساسیندا سئچیلیب و تهرانا گؤندرلیب.

او ال ایشلری میلی نیشان موسابقیهسینی یونسکونون اصالت مؤهرونو آلماسینا موقدمه ساییب و دئی: 10 هونری ریشتهسینده 25 ال ایشی سئچیلیب.

اوستانین توریست، ال ایشلری و فرهنگی میراث سازمانینین ریسی دئی: قیمتلی و یاریم قیمتلی داشلارین یونماسیندا 10 اثر، سخسی و سیرامیکده 5 اثر، کیلیم توخوماقدا 2 ایش و دمیر اویماقدا 2 اثر بو موسابقیهیه یول تاپیب.

محمدی آرتیردی: ملیله، داش اویماق، سید توخوماق، تخته موزاییک و ایرانی ساز دا هر بیر اثرله بو موسابقیهیه یول تاپیلار.

او دئی: یونسکونون اصالت مؤهرونو آلماغا ارزیابلیق اوچون آلتی معیار وار کی او محصول بو نیشانی اله گتیره جک کی لاب یوخاری کیفیتلی اولسون.

محمدی آرتیردی: یونسکودا بینالمیلی موتخصیصلردن بیر هیأت محصوللاری مرغوبلوق، اصالت، تازالاشدیرماق، بازار تاپما گوجو، موحیط زیسته احتیرام قویماق و ایجتیماعی مسؤولیت باخیمیندان آراشدیراجاقلار.

او هابئله دئی: یونسکونون ال ایشلری اصالت مؤهرو هر ایکی ایلدن بیر وئریلر کی تعریف اولان معیارلار اساسیندا اولار.